

沈乃文 主編

明別集叢刊 第一輯

第二冊

黃山書社




沈乃文 主編

明別集叢刊 第一輯

第二冊

黃山書社



(明) 釋琦梵 撰

楚石大師北遊詩一卷

舊抄本

楚辭大補正

楚石大師北遊詩序

宗門老宿能立言立教而凌厲萬古不泯者非卓
越之才識不能成莫大之事功由唐宋至我

大明兩道倡文之家代不乏人若名動

仁主行滿道場特立獨行莫如我楚石老師楚石生

四明象山九齡來天寧受法于訥翁護師成太因

果建大基業文章戒律光熙五山嘗被

高帝之名講經南都發秘開幽俾後學知所歸向大

江以南皆需其膏馥而挹其清華者不啻幾百人

隱製興作千篇萬章當天兵勦逆胡元革命奔走

道途散落人世惜無完書西齋舊閣簡得刊本語

錄北遊抄本語錄已行世抄本則未有知者秀忝

承衣鉢有媿貽謀敬繕錄梓欲圖永傳雖不能如

中峯繼師之華跼聊盡為弟子之鉢寸亦非自高

門戶粉飾悅人然內學之精微外文之雄渾并履

歷之詳金華宋太史嘗銘于前吳門姚必師傳于

後後為楚石法胤者能如秀之勤懇嗣而為之豈

懼楚石之名不傳本之易朽也謹志以聞

歲

正德旃蒙大淵獻春三月望九世孫明秀拜書

楚石大師北遊詩序

桑門能詩者四明楚石師為今湖海首稱余嘗訪之于秦谿別墅得所示北遊詩集凡絕句五七言律三百餘首蓋在昔至治癸亥甲子之歲北出京都時所作也故凡京華之事燕灤之風物囊收囊積莫非佳咏今觀其什則雄渾而蒼古淵渌而典雅厭飲百家淬礪杜氏煒々乎若埋豐城之寶劍而光有不能掩焉者也雖古有惠休齊已靈澈道潛之徒恐莫能窺其奧蓋以師之高明敏達窮書瞻學其于是遊也

則又歷覽乎泰山之高黃河之深長江大海之宗會而氣秀毓蘊納乎胸中及抵于京師則其耳目之接固又極其大者可知已夫京師乃天下之大都會天子之居在焉宮城之偉冠乎四海人物之殊聚乎萬國而朝廷之上禮樂儀衛之盛宗廟之美百官之富乃天下之極觀者也是以日益乎所見凡所與交接談論又皆王公縉紳文章道德之士日益乎所聞故其詞章氣象奮然傑出為大朝之風雅而相與時令盛者焉或曰師之宗以禪默為道而乃從事于聲律

得無外馳乎予曰禪默其入定之事為道之方也而師之定力精確不撓于物觸境洞然莫非妙道蓋存心而為禪發言而為詩非二理也然其所以訪覽今古吟賞風月乃其遊嬉三昧爾奚可與不知者道哉師平生所為詩又若干卷已流于世此北遊之集蓋以觀光勝事故特為首末以記予因讀其集數其為人而其言可服若此予之言雖不足為世重輕然古人有兒童誦君寔走卒知司馬蓋公論也請為師誦之以書于卷首

金因下勝謹序

重脩釋迦如來真身舍利寶塔頌附錄

諸佛如來出現于世莫不皆示八種之相從初降神誕生乃至出家脩道降魔成佛轉法輪最後入涅槃碎紫金軀為八萬四千舍利使天人龍鬼造塔供養罪滅福生終至菩提我本師釋迦牟尼如來此云能仁寂默當理在賢劫第四佛住兜率天為護明大士滿足天壽四千歲補處時至於是下生迦維羅衛國淨飯王宮乘日象入摩耶夫人胎十月滿足從右脇而誕當東震旦國周昭王二十四年甲寅歲四月八

日也至四十二年二月八日遊四門踰城出家時年十九歷試邪法摧伏外道穆王三年癸未歲二月八日明星現時成道為憍陳如等五人轉四諦法輪皆證道果住世說法四十九年後告上首神足摩訶迦葉云吾以清淨法眼涅槃妙心寔相無相微妙法門分付與汝汝當護持并勅阿難副貳傳化無令斷絕又付金縷僧伽梨衣轉授慈氏付囑訖即於熙連河側娑羅雙樹間右脇累足泊然而逝寔穆王五十二年壬申歲二月十五日也闍維火滅八王共分舍利

歸國建塔競留供養滅度一百年有王名阿育此云無憂取諸塔中所有舍利八萬四千顆造八萬四千塔闍浮聚落滿一億家者耶舍尊者遣鬼神以一塔鎮之按宣律師感通錄震正塔凡十三所劉薩訶禮者獨明州阿育王寺舍利光明特盛至誠祈禱必彰感焉堯瑋生緣象山九歲出家便聞建塔功德最大往往默感於心天曆元年戊辰二月三日住持海鹽州天寧永祿禪寺時年三十四壬申歲建十佛閣元統二年甲戌歲夢龍王獻寶因募塔緣檀施日臻

後至元二年丙子歲春龍化蜿蜒之形於丈室五采畢備四方來觀之凡兩月而去及塔成後來隱見非一至今祀為應夢龍王夏填築塔基三年丁丑歲九月二十三日子時起手建塔至辛巳歲奏功凡七層八面高二十四丈莊嚴綺麗見者皆悅越二十年兵興已亥秋失寶餅計白金二百兩當是時謝事嘉禾天寧結菴開居眾請再領寺事乃造鑰石室餅取至正二十四年甲辰秋九月二十四日奉餅脩塔天雨室花明年乙巳歲七月泥蓋方畢自丁丑至乙巳凡

一十九年矣梵琦年七十瞻禮旋繞歡喜踊躍百拜
稽首而說頌言

如來舍利無有邊
天上人間所造塔
金銀真珠與琉璃
或用玻璃水晶等
種種雕鏤巧嚴飾
或奉一花供一香
或統一帛禮一拜

或以香水灑其地
或燒油燈作光耀
已去釋迦滅度久
盤如囊葉剎如針
譬如虚空平等入
我今興建大浮圖
廣博嚴麗包法界
諸大菩薩及聞聲
天龍八部咸訶護

不啻八萬四千顆
其數過於恒河沙
車渠琥珀及瑪瑙
并黑沉水赤梅檀
所獲妙果不思議
或但低頭合指爪
莫不皆坐菩提場

或磨香泥塗其壁
無有不圓佛智者
塔為第一之福田
其影巍然至梵世
不離塵障芥子孔
亦有先佛真身住
一切如來處其中
莫不俱來受供養
凡有目者悉觀瞻


明月寶珠置其頂
入夜銀缸射星斗
八角風鈴演妙音
普為衆生作饒益
亦如大海納百川
原共法界諸含識

寶篋真言寶其腹
熾然花開天樹上
七層欄楯共圍繞
功德高厚若須彌
亘古亘今鎮長在
同得往生極樂國

楚石大師北遊詩

曉過西湖

嗣孫明秀



船上見月如可呼愛之旦復留斯須青山倒影水連
郭白藕作花香滿湖仙林寺遠鐘已動靈隱塔高燈
欲無西風吹人不得寐生聽魚鱗翻菰蒲

西律

月滿潮來盛天空野望低樹侵吳甸北帆入楚江西
俊鶻秋方下慈烏曉更啼即看霜露及風影已淒淒

晚過初臺驛

初瞻五色日正照百花洲絲纜拂江水黃棋飄柁樓
風傳疊鼓急月出征帆收直指西北去含香天上頭

揚州

已無紅藥過瓊花惟見高樓酒幔斜二十四橋今夜
月盡情分付與琵琶

泊清口

野外三家市天涯萬里舟河流歸故道雲物動新林
曠海連魚鼈華星近斗牛吾鄉去未遠行李勿深憂

圯橋

子房三世相韓家辛苦椎秦傳浪沙不上青天扶日
月便歸丹壑老煙霞圯橋進履心長在漢室封侯聲
已華惟有當時書一卷奈何人世事如麻

沛縣

大風臺上客登臨誰識高歌壯士心韓信去時曾有
語陳平行處可無金自從西北開圖出獨向東南注
意深四百年間一回首綠槐滿地暮蟬吟

宿魯橋

近所離：蒼且叢吳船夜泊魯橋東未能傍史脩王
法聊復題詩繼國風一老尚憐顏氏子兩生猶笑叔
孫通勸君無事且高枕黃帝孔丘俱夢中

任城李太白酒樓二絕

洛陽城裏董糟丘不惜黃金起酒樓後五百年尋太
白誰知爛醉在新州
翰林習氣未能忘來飲新州滿殿香醉倒不歸天闕
去天星長枕酒星傍

荊門

梁山蓮蓬浩如海荆門香子大于瓜百錢一斗供無數敗核焦房易滿車

行迹臨清客懷耿然有江南之思三首

蘭茗翡翠簇臨清頗似江南岫下行拂水兼葭霜未降含烟揚柳雨初晴前村閃：羣鴉去落日蕭：匹馬鳴從此開帆八百里沂流直上是瑤京
北來風物未蕭疎佳處王維畫不如青草听邊三寸雨白蘋花下一雙魚茅亭水隔無人到酒館當門大宇書拋却雲山未歸去但吟吾亦愛吾廬

吾廬正在白雲邊古木脩篁相接連橋下白魚長比劍石間青蟹大如錢秋風着意吹香稻野水無情管釣船涼夜月明洲渚靜藕花深處不妨禪

通州之南彌望北沙隴正墟與中原異矣因僧還吳于此送之

白龍堆上望齊州但見疎煙九點浮黯黯天低鷗沒處紛紛葉落雁橫秋開帆更在青山外去路無窮碧海頭今日南歸吾賀汝道人不作賈胡留

初入經筵送諸友三首 并序

世祖皇帝混一天下崇重佛教古所未有泥金染碧書佛菩薩羅漢之語滿一大藏由是聖子神孫世世遵之甚盛事也趙孟頫鄧文原開入選仔肩皇帝即位之三年詔改五花觀為壽安山寺選東南善書者書經以鎮之三百餘人余亦預焉賦詩呈友

妙篆曾開薤葉披懸針欲作露珠垂鵝群但撫黃庭字屢本終慚碧落碑經到錢鏐傾國寫佛從李煜鑄全為皇朝盛典尊千古趙鄧由來此選推

秋兔輪毫已得霜春蠶食葉正盈筐謾誇大字工飛白爭看真書寫硬黃巾使與傾銀瓮酒上師來報玉爐香天宮偈贊應無數側耳唯聞最吉祥

何期萬里對龍庭便與群仙躋鳳翎白玉為堂深著我黃金作字細書經天池側畔多餘潤帝座前頭一小星常憶大宗客老契也曾商略到玄齡

南城郭冀州在南方時余尚小撫若已予常受其家供養今八十餘矣強健如五六十人至京往往見

以詩贊云

公在南方佐郡時憶見十五尚兒癡隱身未解餅中
浴文手先成座上詩苦李寔多人競採甘棠樹好我
頗思浙河一壑三十里難得陞堂奉壽卮

八月四日宮車宴駕二首

駐輦開千寶帝幾秋來日月損先輝空令扈從千官
泣不見宸遊八駿歸白露節前霜已降黃花川畔葉
卓飛橫經未入重雲殿但有香烟染御衣
此日俄聞常上昇編年忍見史書崩向來玉座瞻龍

家愁殺雲車載紙繒出入幾時陪警蹕朝昏何處望
山陵三千里外攀髯墮只有孤臣淚滿膺

訪虞伯生待制

蓬萊坊裏是仙居松桂林中讀佛書大本華經全在
我小根魔子豈閑渠莊周未免為胡蝶韓愈何由絕
靈魚昨夜涼風動閑塞朝來落葉偏階除

應聘

野人應聘媿非才何幸初逢寶運開白雲陽春難和
曲黃金舊日最高臺萬年枝上山鶯語千柱宮中海

燕來且伴羣仙遊上界從教地位隔塵埃
寄洪司徒

親扶佛日上高冥著絳架衣服獨青世愛眉長堪入
書舊吟詩好合為經雨龍聽講天花溼海鶴隨行徑
草腥遙想曉來特呪罷柳枝和露挿金餅

罷經筵贈呂日新家安道

南國書生感慨多五華重閣護巍莪曾觀鉅器孫娘
舞再聽宮人穆氏歌草裏豈無傍不肯君前犹有敬
新磨自今對酒舒懷抱休問桑田變海波

呈宗師吳真人

小駐金尊且莫傾黃河合是幾時清教花解語人須
妬使月長圓歲不成鏡裏亦知潘髻改掌中休問楚
腰輕伐毛洗髓非無術他日相將上玉京

駕幸白塔寺二首

亭亭黃傘綠雲端只許垂簾夾道觀千步廊深羅室
馬九重樂奏擁儀鸞直將白塔為天樹何待金人捧
露拌殿戶盡開鈴鐸響高燒薰陸報梅檀
臥聽簷鳴宿雨雷行看駕動曉雲披堂中盛設千僧

餘殿下寬容五丈旗日角分明何敢視天華新好不
教萎須臾喚伏還金闕更奏蕭韶待鳳儀

贈西蕃元帥

劔南西路與天連吐谷渾遮莫賀延使者出閨頻捧
詔將軍指戟尚臨邊黃羊野馬克庖美金鳳銀鵲照
骨鮮投筆每懷班定遠至今功業在陳編

送天使往西域

流沙往往陷城河枯骨縱橫魑魅多天女散花休駐
想梵音彈古好脩魔狼頭左右千兵聚魚脊中間萬

馬過行見浮屠近天空洗心瞻禮勿蹉跎

贈聖安長老從雲山

棕毛小殿屢傳宣請說雲門派下禪即日賜金三萬
兩連朝開法九重天宰臣擁蓋盈閣巷宮女縫衣學
水田且欲依君方丈住聞尋舊籍寫新編

朱虛

朱虛新減呂易水不離燕出攬飛龍嚮行鳴落鴈絃
御溝紅葉下方文白雲邊共賀更新主重興甲子年

萬寶坊偶成三首

短衣隨北客歸路近東華宮闕見分尾軍裝豹與花
燕王收駿骨漢使待靈槎扶彈千金子呼鷹萬里沙
入擁君王駕還陪宰相車旋頭元執罕龍尾舊名死
暮布應千疋穹廬且萬家誰能捐祿米我欲駐京華
夜色連沙漠秋聲動禁林西山當闕角北斗挂天心
臣束雙紋鞵霜催九月砧能鳴無數鴈可念獨棲禽

寄雲山長老

遠客同秋鴈無眠聽雞宮牆千雉西御柳萬條齊
暗水金溝底明河紫殿西山中真宰相不待藥沙隄

遊肇下諸刹

帝作黃金寺吾留白玉京無人嫌狗曲有客愛驢鳴
水餅時時設天花頓頓烹盤盂危流溢醑酪浩縱橫

皇帝幸永安寺設齋

紺馬朱髦不動身紅鞵玉帶自生春衆流浩浩東歸
海群象煌煌北拱辰雨粟有時飄殿閣天花無數落
金銀吾皇八萬四千歲歲長齋貧道人

覽麻座士聽衆國師持論

國師持論意何如彈指聲前併掃除無著天親聞得

妙許詢支遁敬崇虛三乘直截僧蕃語回種空留梵
志書問答縱橫君未解能知冷暖水中魚

五花山寺

五花山寺雲中天匠新來觀史宮佛蓋半垂金駝
賦僧窓全占碧玲瓏長虬影蟄寒沙猛虎聲號夜
怒風先帝宸遊如未舉寶書亦復見全功

送家安道還餘杭

萬寶坊中把一危每因相別重相思北來枉作朝天
客南去渾如不第時青嶂白雲親舍近碧桃紅杏子

未遲幸然錦繡山川在何必功曹負好詩

余寓萬寶坊凡三閱月郝冀州延入南城彌陀
寺禪誦焉寄呂改之二首

乞得黃梁手自春染成赤布情誰縫靴半展深局
戶攢拙高燒穩過冬水有行車冰回合山無度萬靈
全封此時俗駕來應斷一縷梅檀且細供
兀兀清齋坐虎皮流年不道暗中移郭生團詭休回
首陶令聞鐘只皺眉新得盧茶敲石煮每聞羌笛隔
鄰吹曳裾懶向王門去須信名場有荻藜

寄光雪窓書記二首

天街騎驢何處僧自笑踏雪行凌兢昨未深殿謁明
主今畏猛風吹厚繒繡佛長齋有蘇書園惹變蘆無
姚興代州食鴈定肥否滿座醉人呼不應

鬢毛未有一莖斑長謂龍鱗生可攀古飯精神霄漢
表飛鴻指爪雪泥間貪將釣手逸西日不覺移文到
北山稍待御河春水滿船頭持酒酌銅環

冬暖

冬暖臨軒罷燎爐坐來春自透肌膚野人豈識絺綌

好天子應嫌炙昔粗畫閣銀牀空繡被金盤石密更
牛酥此中未是安閑國且進茅簷餅一盂

贈聰提點

此日誰餐兩顆梨金拌頻頻設糕糜人生淡泊從吾
好佛國清涼與爾期山晚且停紅叱撥雪寒須看紫
駝尼羊酥馬酪饒風味更憶吳鹽豉芟葵

諸王

近日長安酒價多諸王劍佩互相磨袍裁白地明光
錦詔賜紅雲五色羅沙凍草根春漸滌雪晴山脊晚

差我無人識得河間意却笑投壺與雅歌

呈諸學士二首

太平天子駕飛龍五百年來始一逢歌舞未宜煩學
士文章何必羨昭容瑤林簪日花枝盛輦道含煙柳
色濃聽罷秦王卷衣曲還聞長樂動疏鐘
聞道君王愛古詞內庭行樂少人知初傳皇后千金
賦更代宮娥一首詩夾輦每看朱鳳下登天兼賜白
龍騎區區拙速真管蒯敢比群公織錦遲

皇都春日三首

三三五五殿相當玉几中間是御牀宗廟盡存周禮
樂翰林多取漢文章東風入律蠻夷喜北斗回城刻
漏長不但有詩詞后稷更將無逸奉君王
麗正門前春雪消百官無事早回朝閒隨步輦尋花
徑已覺光風轉柳條幽鳥忽來啼紫翠故人相見解
金貂輕車細馬香山路更聽前聲落閭道
城上重雲雜晚霞門前流水帶春沙雨隨天子行朝
輦香趨宮入入道車不分烏貪金井樹從教蝶醉玉
闌花笙歌散後公應識富貴來時手可運

群公子

少年意氣為誰傾閒把琵琶出鳳城染草未勻春色
嫩勒花不住晚寒輕風飄十里香塵滿日照三條廣
路明灑掃東堂游射處分鵝亦是謝人情

贈恬薛

龍鳳團茶煖客烹愛君年少氣崢嶸蓬萊殿近聞天
語闔闔門高侍輦行春暖摘花供進酒月明吹竹和
彈箏焉知寂寞山林士耦飢寒薺度一生

過張尚書

今日雪晴天氣和太平隨處有笙歌花開上國宜春
苑詩滿南宮瑞錦窠黃鳥語未深巷靜白雲飛去好
山多人生得意須行樂且洗君家鸚鵡螺

送僧遊高麗

前年同居客的去今年獨走高勾驪度遠向晚泊何
處入海談經未幾時夜火初紅雪色石春山正綠人
形芝誰家女子化龍去出沒波間常護持

贈王使君

君持使節過繩橋已遠蠻夷感聖朝良將未誇班定

遠大臣猶數蓋寬饒川香野馬銜青草雪暗天鵲避
早鵬西出陽關九千里歸來莫惜鬢蕭蕭

正月二十日贈東平進士王公佐殿試在通作
此先之

京師花柳開春妍試手東風第一篇方取餘糟醉司
命又携薄餅補天穿文如鳳閣舍人樣名在玉皇香
案前何況陰功曾救蟻錦標得雋合推先

贈錢塘張克正

酒酣合奏琵琶箏無限春光付後生纖韋裾新驕野

服函牛鼎大饗珍烹澗松錯落千尋幹山草扶疎四
寸莖頗憶江南風物否綠楊影裏畫船橫

過千步廊街

古今異代不同時閒咏龍蛇燕雀詩春霧未消藏殿
閣暖風無力動旌旗黃鸝嚶罷還飛去翠柳生來盡
倒垂寒食清明看又過內園次第賞茶糜

和人鞦韆

九衢春暖雜花開高架秋千試女孩綵索頻能拋勢
力羅衣全不染塵埃將隨舞蝶輕飄去又學遊絲穩

下來直到廣寒爭幾許何勞重築眺蟾臺

相府二首

春遊有限興無涯屢到能詩宰相家未綠先黃臨砌
柳纔紅又白滿闌花座傾珠履三千客月剗珍羞十
萬車入觀歸來焚奏稟陰功不許後人誇
八表咸知天子尊古無封域盛皇元相分左右參机
務臺可東西拱禁垣端委廟堂須亮潁迎賓客笑
陳蕃年來豈可不為學禾黍豐登梨棗繁

奉答諸學士

聖戒盤銘亦在初朝回便殿坐看書五風十雨春長
好萬戶千門樂有餘深巷隔花聞按曲小亭臨水見
行車滄洲日暖多鷗鷺盡泛恩波到石渠

公主園

一從明律變春溫無數流鶯滿沁園翠輦穿花長公
坐緋衣束帶小黃門佳人不屬沙吒利快馬仍逢勃
突渾海內承平無戰伐彈絲吹竹對芳樽

有感二首

富貴拋人似擲梭不禁騎馬再經過太師宅廢無絃

管承相新堂有騎羅苦李開花少不春甜桃結子夏
還多炎涼換盡婢媼貌聽取黃雞白日歌

潮州司馬萬羊群割肉充庖不忍聞飲酒固宜沈
碗煮茶那復接殷勤陳侯弊席門前設丁氏香爐枝
底薰總道夜眠忘寵辱後夫何事夢何君

天曆二年甲子春鄧公善之任國子祭酒試禮
部進士甚公善之謂予曰索伯長學士在京師
累歲不肯取鄉士今年得程端禮兄弟入亦不
以我為私余聞之喜因謝

桃李漫山不肯栽先生信手斲蒼苔舊時燕子無巢
宿今日藤花借樹開富弼推恩亭為友朴義舉子寔
論才山僧亦有鄉閭念建福門前幾度來

呈卿士

肉如秦華酒如泉應笑烹茶盧玉川鑄錯不成休費
鐵通神何物似堆錢步趨蜂闕倉龍下心在清溪白
鳥邊未得同舟往吳越凌雲詩思已飄然

重過京尹宅

陸海庖廚嚴劉烹公侯車馬亂纖橫北收代郡僞為

炎南取楚江龜作羹紅紫二綃樓上女宮商一束帳
前笙柰何骨化邛山土不得重來捧玉觥

遊道院

雪白花枝滿院開沉沉古殿鎖蒼苔且看松影不知
晚間有棋聲何處來地上玉壺收日月山中珠樹隔
樓臺五芝本是長生草除却仙人誰解栽

出城訪智詮師

九子母祠天闕西森森夏木與雲齊詩成初見野花
落睡起忽聞山鳥啼傍眼清泉開錦鏡臨窓小字寫

銀泥野人不用紗籠壁他日重來看舊題

贈韓執中

未可匆匆話別離北來須作數年期蝸牛角上看蠻
觸人馬宮中識尾箕異卓但能尋滴甕班超何必棄
毛錐尚方鑄就黃金印他日封侯定屬誰

西山

西山如龍枕望州上有仙子不可求白石在水常鑿
鑿青松無風自飈飈大書金榜著僧寺直送玉泉來
御溝相約功成身退日一卷高臥萬鋒頭